

6. Radiomi yacuma runahuerca

Chaihuasha sachama cachahuanurca trabajangapa/ taladropi. Chaipi  
pirjurasa causarcani chuseu quillata. Chaihuasha maffarcani huasima  
llucshingapa. Cachahuanurca huasima samangapa, chunga punchapa cacharca  
huasima, pagasa cullquita huaranga suereta fucata cuhuarca. Chai  
cullquihua radiota randircani marca Sony. Chai radiohua tucasa rirarcani.  
Quilla canoa huachur rirascapi caspi punda tacarisea radiopi. Yacuma urmarca  
radio. Chaita paipa huachimanda ~~antena~~ <sup>antenna</sup> japircani. Chai paquirirca paipa huachi  
Chaihuasha mana uyarirca. Nuca yapa llaquirircani radio mana uyaripi.

Chaihuasha Rocafuertepi pactarcani Lundoñupapi. Pactasa rimarcani:  
--Radiomi yacuma runahuerca, nisa cuintarcani.

--Imapata runachingui yacupi radiota? niuharca señor Lundoñu.  
*Columbiamando comercio*

Chasna nipi nircani: --Caspi punda japisa runachirca, rimarcani  
Lundoñuta.

Chaihuasha Quitoma cacharcani radiota alliyangapa/ Lundoñuhua.  
Chaihuasha nuca huasima shamurcari. Chaipi pactarcani huasipi. Chaihuasha  
tapuhuanurca: --Camba radioea? nisa tapunacurca.

Quintarcani: --Yacupi runasa huullirca, nisa cuintarcani.  
*ruines*

Chasna nisa cuintapi paicumpas llaquirinurca ñucapa compadre/  
radiomanda. Chaihuasha rimarcani: --Ñucapa radiota Quitoma cacharcani  
alliyangapa, nisa cuintarcani compadreta. Chaihuasha nircani compadreta:  
--Radio alliyapi Lundoñuta maffaringui, nisa saquircari. Chaihuasha shu quilla  
huashamanda riscarca tapungapa compadre: --Radio alliyanchu? nisa tapupi  
Lundoñu rimarca: --Chaira mana shamunchu radio, nisa rimascarca señor  
Lundoñu compadreta.